

Judas

Judas saludashcamunda

1 ¹ Jesucristobujta ruruj shinaidi Santiagoj huauqui Judasmi gani; Taita Dios c'uyashca shinaidi Jesucristomu huaquichishca cayashcagunamu escribini. ² Dios cangunada llaquishcash,^a c'uilla causish, c'uyanucunash cangunabi cutin cutin mirarichun.

Pacalla huaigusha huagllichish nijcunamunda

2Pe 2.1-7

³ C'uyashcagunalla, cangunadash ñucadash quishpichishcamunda escribingu pachundi munagani; shinash cununga crinamunda manchanaidi tacanucuj shina jinchi catichun nisha ninashcalladadimi yuyasha escribini. Crinamundaga Diosbujlla gajcunamu shuj cutinlla illujta yachachiga. ⁴ Ñami cangunapurabi maijinguna pacalla satirishcagunaga. Chigunadaga ñaubamundadimi Dios escribichishcabiga, 'shina llaquichinaidimi,' nishca gashca. Chigunaga maidash cachun rurujcunami. Ñucuchij Dios alligunada cushcada japij tucushalla ima millidash ruranguna. Shinaidi ñucuchij shujlla Amo, Mandaj Jesucristodaga yangabimi churanguna.

⁵ Cai tuquida alli yachuquish cangunada yuyachisha ninimi. Mandujca israelgunada Egiptomunda llujshichishash q'uipamu maijinguna na criqui chigunada tucuchishtagami. ⁶ Shinaidi angelgunadaga paiguna imada

^a**1.2** 'Dios cangunada llaquishca' nisha Paibuj misericordiadami nigungun. Ro 9.15

mandachun churushcada saquisha maibi tiyanashcamunda shitusha riqui Paiga chi jatun p'unllabi llaquichingaj naidij cacharibujti huatushcami yanamangabi huaquichishcada charigun. ⁷ Chiguna layaidi Sodoma shinaidi Gomorra puebloguna chi cuchullabi tiyaj pueblogunabi causajcunash piyunbish siririsha pingui illuj tucushami naidi ruranashca millida ruranucujcunaga. Caigunada ricusha ama shina layaidi tucuchunmi na tucurij ninabi jatun llaquida apachun churaga.

⁸ Shinash pacalla satirijcunaga, “Suñida suñugani,” nijcunaga shina layaidi quiquinbuj cuerpoda mapalladati rurusha chibuj jahua Dios mandushcadash na allibi churashami, jahua pachamunda c'uilla gajcunadash na valichisha rimunguna. ⁹ Angelgunada mandaj Miguelbish Moisesbuj huañushca cuerpodaga diablo quichusha nisha rimaquish, ‘Llaqui tucushcanmu’ nisha juchachingajca, “Na cabinichu, Mandajlladi canda juchachichun,” nishallami niga. ¹⁰ Shina gaquish chigunaga tuqui imalla na rijsishcagunadagarin na valichishtan. Imada yachushash animalguna shina na intindij gasha chi yachushcagunanlladimi llaqui tucunamunga apashca ganguna.

¹¹ ¡Paigunaga imachari tucunga! Caín catishca ñanlladadimi catishca. Shinaidi Balaam layami cuchquida japina yuyillan ratuidi pandarishcaguna. Shinaidi Corema layaidimi c'ari nij gashcamunda chingarigaguna.

¹² Cangunapura c'uyanucusha jatun miquigunabiga paigunaga pandachingu miticushca shinagunami. Paigunaga pidash na cazushalla cushillami micunguna, ubiunguna. Paigunaj icsallabi yuyarisha michirishaga,

1.11 Gn 4.3-9; Heb 11.4; 1Jn 3.12

1.11 Nm 22—24; 2Pe 2.15-16 1.11 Nm 16.1-35

huaira apiq'uichushca yacu illuj p'uyu shinami. Granuda cuna p'unllabi na apariqui tirushtashca yuraguna layami. Ishqui cutin huañushca shinami ganguna. ¹³ Jatun yacu cucha p'iñayashcaidi jatarisha puscurij shinabimi paiguna pinganaida rurushecagunaga ricurishca gan. Chaida caida rijlla luzeroguna shina gashcamundami na tucurij tuquidash yalli yanamangadaga paigunamu huaquichishcada charin.

¹⁴ Adanmunda sujta taita q'uipa huacharishca Enocquish Dios yuyida cuquimi chi gentegunamunda, “Riqui, Mandujca huaranga huaranga jucha illuj angelgunan shamugunmi; ¹⁵ shina shamushaga tuquigunada juchachingajca ima na alligunada maidash cachun ruruscamunda, shinaidi Paida jinchi shimigunan rimashcamundash Diosta na manchuj juchayuj tuqui causujcunada rimashtangu shamun,” nishaga Dios nichiquimi niga.

¹⁶ Chigunaga tuquidami huashalla rimajcuna. Tuquimundami rimajcuna. Quiquinbuj milli munigunaida p'actachingumi mashcanguna. Paigunaj shimigunabiga ‘Allimi gani’ nisha ima allida japingajllami shujcunadaga c'uilla uyanaidi shimigunan rimarijcuna gan.

Crijcunada yuyillandi purichun mañashcamunda

¹⁷ Cangunagarin c'uyashcagunalla, ñucuchida Mandaj Jesucristobuj agllusha cachashcaguna ñaubamu ima nishcagunada yuyarichi. ¹⁸ Cangunadaga, “Cai tucuri p'unllagunabiga maidadiquish nisha asijcunami tiyanga. Chigunaga millanaidi munigunallanmi puringaguna,” nigaganami. ¹⁹ Shujcunada huagllichijcunaga paigunami gan. Aicha munushcaida rurujcuna gashami Diosbuj Espiritudash na charinguna.

²⁰ C'uyashcagunalla, cangunagarin huasichijcuna shina Diosbujti gana crishcabi jinchiyarisha Diosbuj Espíritu yuyachiqui mañanguichilla. ²¹ Ñucuchij Mandaj Jesucristo cangunamunda llaquisha na tucurij causida cungagama Diosbuj c'uyibi chaririashaidi shuyagüichilla.

²² ‘¿Shinachumashigun?’ nigujcunadaga alli crij gangama yachachichi. ²³ Shujcunadaga ninamunda aisushtasha cacharichinguichi.^b Caishujcunamundaga llaquirichi. Shinash yuyillandi purisha paigunaj churanalladash millanguichi. Chi churanagunaga paigunaj aicha munida rurashcamunda mapayashca shinami gan.

Diosta ‘Allimi gangui’ nishcamunda

²⁴ Cununga cangunada urmachun na saquishalla chapungu Pudij, Paibuj p'alaniguj c'uilla gashca ñaibuqui ima juchachinash illuj cushilladi ricurichun churungu Pudijtaga, ²⁵ ñucuchida Quishpichij shujlla Diosca ñucuchida Mandaj Jesucristomundami ñaubagunamunda pachash cununbish ima urash na tucuringama, “C'uilladi, manchanaidi jatun, tuquida ruri pudij, tuquida mandujmi gangui,” nishca gachun. Shina gachun.

^b1.23 Ninamunda nishaga crijcuna apashca llaquigunadama na gashaga tucuri p'unllabi juchachishcaguna ucu pachabi gana ninamadami nigunga.